

Cuira, ils 10 da fanadur 2012

Communicaziun a las medias

Rumantsch grischun ed idioms en scola
Implementaziun dal model da coesistenza per la scola rumantscha

La gruppa accumpagnanta politic-strategica è furmada

Sco annunzià ([communicaziun a las medias dals 28-6-2012](#)) ha la Lia Rumantscha cuntinuà ad instradar ina gruppa accumpagnanta politic-strategica che s'occupa da l'implementaziun politica desiderada dal model da coesistenza per la scola rumantscha.

La gruppa è uss constituida. Ella sa cumpona da *Heinrich Berther, Iso Camartin, Bernard Cathomas, Vitus Dermont, Andrea Urech* e davart da la Lia Rumantscha dal president *Vincent Augustin* e dal secretari *Urs Cadruvi. Martin Mathiuet* moderescha la gruppa.

La finamira è tranter auter da stgaffir la basa legala per la via futura davart rumantsch grischun ed idioms en scola. L'avust ha lieu l'emprim inscunter.

Agiunta:

Il model da coesistenza

Contact per las medias:

Andreas Gabriel
tel. +41 (0)81 258 32 22
mob. +41 (0)79 650 83 89
andreas.gabriel@rumantsch.ch

Il model da coesistenza



Grafica: model da coesistenza

Il model preveda ina coesistenza dal rumantsch grischun e dals idioms. La proposta respecta dad ina vart il dretg da las vischnancas stipulà en la constituziun chantunala da determinar lur lingua da scola en cooperaziun cun il chantun. Per il rumantsch po quai sa tractar dal rumantsch grischun u d'in idiom. Da l'autra vart preveda il model che scolars che alfabetiseschan en l'idiom dovran il rumantsch grischun a moda receptiva (leger e chapir). Las scolars che alfabetiseschan en rumantsch grischun dovran lura l'idiom a moda receptiva. Tenor il model èsi cunzunt impurtant che tut las scolars ed ils scolars s'occupian en l'avegnir pli intensivamain cun la lingua e cultura rumantscha a moda cumplessiva e sur cunfins idiomatics ora. Quai duai rinforzar la chapientscha interrumscha.

Gruppa accompagnanta politic-strategica (gruppa da lavur)

Per pudair dar dumogn a las bleras sfidas che la scola rumantscha sto aderir ils proxims onns, preveda il model da coesistenza dad installar ina gruppa accompagnanta politic-strategica. A quest gremi che fiss orientà politicamain, e betg pedagogicamain, faschessan part exponentas ed exponents dad tut las gruppas d'interess impurtantas. La gruppa duai cusseglia la Cumissiun per furmaziun e cultura e la regenza en dumondas da la strategia futura per la scola rumantscha.